



Gift of the United States Government



*Ամերիկյան իրավաբանների ընկերակցության (ABA ROLI)  
հայաստանյան ներկայացուցչության*

*«Իրավաբանական աջակցություն Հայաստանում  
տեղահանված և հակամարտությունից տուժած անձանց  
համար» ծրագրի շրջանակներում*

*Վորլդ Վիժնի հայաստանյան ներկայացուցչության հետ  
համատեղ*

**Հայաստանում տեղահանված  
անձանց աջակցման  
ծառայությունների  
տեղեկատվական թերթիկ**

*ԾՐԱԳԻՐԸ ՖԻՆԱՆՍԱՎՈՐՎՈՒՄ Է ԱՄՆ ՊԵՏԴԵՊԱՐՏԱՄԵՆՏԻ ԲՆԱԿՉՈՒԹՅԱՆ,  
ՓԱՆՍՏԱԿԱՆՆԵՐԻ և ՄԻԳՐԱՅԻԱՅԻ ԲՅՈՒՐՈՅԻ ԿՈՂՄԻՑ*

## **ՀՀ սփյուռքի նախարարություն**

Հասցե. Երևան, Վազգեն Մարգարյան 3

Հեռ. 010 58 56 01

Էլ. փոստ. [middleeast@mindiaspora.am](mailto:middleeast@mindiaspora.am), [info@mindiaspora.am](mailto:info@mindiaspora.am)

### Աջակցման շրջանակ

ՀՀ Նախագահի հանձնարարությամբ ՀՀ սփյուռքի նախարարությունը համակարգում է ՀՀ կառավարության, միջազգային, հասարակական, բարեգործական, սփյուռքյան կազմակերպությունների ջանքերը՝ ուղղված Սիրիական հակամարտության հետևանքով տեղահանված և Հայաստանում պաշտպանություն հայցող անձանց հրատապ օգնությանը, աջակցությանը և ինտեգրման (այդ թվում՝ զարգացմանը միտված) խնդիրների լուծմանը:

Նախորդ տարիներին ՀՀ սփյուռքի նախարարության համակարգմամբ և գործընկեր կառույցների հետ փոխգործակցությամբ (ինչպես առանձին-առանձին, այնպես էլ համատեղ) լուծվել են Սիրիական հակամարտության հետևանքով տեղահանված և Հայաստանում պաշտպանություն հայցող անձանց համար կենսական նշանակություն ունեցող գրեթե բոլոր խնդիրները (փաստաթղթային և իրավական հարցերի դյուրացում, անվճար բուժօգնություն, ուսման վարձավճարների, բնակարանային վարձերի փոխհատուցում, արտոնյալ պայմաններով վարկերի տրամադրում, լեզվամշակութային ինտեգրում և կենսական նշանակության բազմաթիվ այլ խնդիրներ):

Նախարարության

պաշտոնական

կայքէջի՝

«Միրիահայերի համար» անկյուն էջում, Դուք կարող եք տեղեկանալ ՀՀ սփյուռքի նախարարության և իր գործընկեր կազմակերպությունների կողմից սիրիահայերի համար իրականացվող աջակցության և ինտեգրման ծրագրերի, ինչպես նաև սիրիահայերի հիմնախնդիրների լուծմանն ուղղված աշխատանքների վերաբերյալ:

Նրանք, ովքեր խորհրդի, հարցերի, բողոքների, առաջարկությունների, խորհրդատվության կամ աջակցության կարիք ունեն, կարող են դիմել ՀՀ սփյուռքի նախարարության աշխատակազմի Մերձավոր և Միջին Արևելքի Հայ համայնքների վարչություն

(Հեռ.՝ 010 58-56-01, ներքին 610,

Էլ.փոստ՝

middleeast@mindiaspora.am):

### Պոտենցիալ շահառուներ

Միրիական հակամարտության հետևանքով տեղահանված և Հայաստանում պաշտպանություն հայցող անձինք:

## **ՀՀ տարածքային կառավարման և զարգացման նախարարության**

### **Միգրացիոն պետական ծառայություն**

Հասցե. Երևան, Կարապետ Ուլենցու փ. 31

Հեռ. 060 27 50 03

Էլ. փոստ. [externalrelations.sms@gmail.com](mailto:externalrelations.sms@gmail.com)

### Աջակցման

#### շրջանակ

(Հումանիտար)

- Ապաստան հայցողների ընդունում,
- Ապաստան հայցողի վկայականի տրամադրում,
- Փախստականի կարգավիճակի որոշում:

(Սոցիալ-տնտեսական և մշակութային ինտեգրում)

- ՀՀ-ում փախստական ճանաչված անձանց կարիք- ների գնահատում և ինտեգրման պլանի մշակում,
- Գնահատված կարիքներին համապատասխան փախստականների ուղղորդում՝
  - Հայոց լեզվի դասընթացներ իրականացնող կազմակերպություն,
  - Քաղաքացիական դասընթացներ իրակա- նացնող կազմակերպություն,
  - Այլ (կրթական, բժշկական, զբաղվածու- թյան, սոցիալական, իրավաբանական) օժանդակություն ցուցաբերող մարմին- ներ/կազմակերպություններ,
- Ժամանակավոր կացարանի տրամադրում:

Պոտենցիալ շահառուներ

Ապաստան հայցողներ, փախստականներ:

**Հայաստանում Միավորված ազգերի  
կազմակերպության փախստականների հարցերով  
գերագույն հանձնակատարի ներկայացուցչություն**

Հասցե. Երևան, Պետրոս Ադամյան 14  
Հեռ. 010 56 47 71, 010 58 48 92, 010 54 59 35,  
010 54 59 36, 091 41 53 87

Էլ. փոստ. [armye@unhcr.org](mailto:armye@unhcr.org)

Աջակցման շրջանակ

***Հիմնական գործունեություն***

***Պաշտպանություն և ապաստանի կարողությունների  
զարգացում***

- Հետագա օրենսդրական բարեփոխման գործընթացների խթանում, ներառյալ փախստականների և ապաստանի նոր օրենքի և ապաստանի դրույթի ներառումը Սահմանադրության մեջ:
- Միգրացիոն պետական ծառայության հետագա կարողությունների զարգացում դասընթացների և տեխնիկական աջակցության միջոցով
- Դատական ներգրավվածություն դատավորների և իրավաբանների համակարգված դասընթացների միջոցով, իրավաբանական խորհրդատվության տրամադրում, և ռազմավարական դատավարություն
- Սոցիալ-հոգեբանական աջակցություն, սեռական և գենդերային պատկանելիությամբ

պայմանավորված բռնության կանխարգելում և արձագանք

- Տեղահանված անձանց կարգավիճակի վերաբերյալ հանրային իրազեկվածության բարձրացման միջոցառումներ ուղղված վերջիններիս ինտեգրման խթանմանը

### ***Առաջնային կարիքներ և հիմնական ծառայություններ***

- Համապարփակ մարդասիրական արձագանքի ցանցերի և ուղղորդման մեխանիզմների պահպանում և ընդլայնում
- Բնակարանների վարձի մասնակի փոխհատուցում, միանվագ դրամաշնորհներ, և այլ թիրախավորված աջակցություն խոցելի անձանց հատուկ կարիքները հոգալու համար

### ***Երկարատև լուծումների խթանում ինտեգրման և ինքնաապահովման ամրապնդման միջոցով***

- Լեզվի դասընթացների տրամադրում, միջոցառումներ ուղղված մշակութային և սոցիալական ադապտացմանը, «ինչպես գործարարությամբ զբաղվել Հայաստանում» խորագրով դասընթացներ, ինչպես նաև մասնագիտական դասընթացներ զուգորդված ուսուցողական ծրագրերի և աջակցություն մոբիլիզացիա և հատուկ երիտասարդների

ինտեգրմանը նպաստող միջոցառումների  
ձեռնարկում

***Ապաքաղաքացիության կանխարգելում և նվազեցում***

- Քաղաքացիական օրենսդրության փոփոխությունների խթանում այն բերելով ապաքաղաքացիության որոշման գործընթանցերի կիրառման

ՄԱԿ ՓԳՀ-ն շնորհակալ է իր դոնորներին ՄԱԿ ՓԳՀ-ի գործունեությունը Հայաստանում աջակցելու նպատակով կատարված ներդրումների համար:

- կապված շուկա մուտք գործելու հետ

Պոտենցիալ շահառուներ

Փախստականներ, ապաստան հայցողներ, փախստականի նման իրավիճակում հայտնված անձինք, քաղաքացիություն չունեցող անձինք:



# Ամերիկյան իրավաբանների ընկերակցության (ABA ROLI)

## հայաստանյան ներկայացուցչություն

Հասցե Երևան, Ալեք Մանուկյան 9, 2-րդ հարկ, № 202  
Հեռ. 060 61 22 90, 060 61 22 92, 060 61 22 93, 060 61 22 94  
Էլ. փոստ. [alina.yarmaloyan@abaroli.org](mailto:alina.yarmaloyan@abaroli.org)

### Աջակցման շրջանակ

*(2016թ.-ի նոյեմբերից մինչև 2018թ.-ի օգոստոս)*

(Իրավական և սոցիալ-տնտեսական ինտեգրում)

- Իրավաբանական խորհրդատվություն  
հնարավոր խնդիրների/հարցերի լայն շրջանակի  
վերաբերյալ, այդ թվում՝
  - Հայաստանի  
Հանրապետության *մուտքի*  
*վիզայի ստացում*
  - ՀՀ-ում բնակության օրինականացում
  - ՀՀ քաղաքացիության ստացում
  - Փախստականի կարգավիճակի ստացում
  - Կացության կարգավիճակի ձեռքբերում
  - Ծննդի պետական գրանցում
  - Ամուսնության (ամուսնալուծության)  
պետական գրանցում
  - Մահվան պետական գրանցում
  - Զինվորական ծառայություն
  - Սոցիալական իրավունքներ
  - Կրթության իրավունք
  - Աշխատանքի ընտրություն
  - Բժշկական օգնություն
  - Նպաստների վերաբերյալ հարցեր

- *Հաշմանդամության վերաբերյալ հարցեր*
- *Հանրային ծառայությունների համարանիշի վերաբեր-յալ հարցեր*
- *Մշտական բնակության հասցեում հաշվառվելու վերա-բերյալ հարցեր*
- *Վարորդական վկայականի ստացում*
- *Անվան փոփոխման վերաբերյալ հարցեր*
- *Ընտրելու իրավունք*
- *Մաքսային օրենսդրություն*
- *Ձեռնարկատիրական գործունեություն*
- *Հարկերի վերաբերյալ հարցեր*
- *Այլ հարցեր*
- Իրավաբանական բնույթի փաստաթղթերի կազմում,
- Դատական ներկայացուցչություն (ռազմավարական նշանակության գործերով),
- Իրավագիտակցության մակարդակի բարձրացմանն ուղղված դասընթացներ թե՛ մեծահասակ, թե՛ փոքրահասակ շահառուների համար,
- Հաճախ տրվող իրավական հարցերի տեղեկատվական ձեռնարկի լրամշակում (արևելահայերեն և արևմտահայերեն տարբերակներով)։

[http://olp.advocates.am/mod/folder/view.php?id=286:](http://olp.advocates.am/mod/folder/view.php?id=286)

### Պոտենցիալ շահառուներ

Տեղահանված անձինք, այդ թվում՝ փախստականներ, ապաստան հայցողներ, քաղաքացիություն ստացած և ներքին տեղահանված անձինք:

**«Միրիահայերի միություն»  
կազմակերպություն**

**հասարակական**

Հասցե. Երևան, Բաղրամյան 18, 203 սենյակ

Հեռ. 077 28 99 46

Էլ. փոստ. [info@sau.am](mailto:info@sau.am)

Աջակցման շրջանակ

*(2018թ. -ի հունվարից մինչև 2018թ. -ի դեկտեմբեր)*

(Միրիահայերի տնտեսական ինտեգրում, ՀՀ-ում հայրենադարձության խթանում)

- «Ինֆոհար» ծրագրի շրջանակներում մեկ պատուհանի սկզբունքով ուղղորդում հայկական բիզնես միջավայրում, բիզնես ծառայությունների տրամադրում ոլորտի ներկայացուցիչ կառույցների միջոցով,
- «Միրիահայերի արդյունաբերական գոտի» ծրագրի շրջանակներում արտադրական/աշխատանքային տարածքների տրամադրում սիրիահայ միության անդամ հանդիսացող սիրիահայ գործարարներին՝ արտոնյալ վարձակալական հիմունքներով՝ սեփական արտադրությունը կազմակերպելու համար,
- Միրիահայերի միության անդամակցության 3 տարբեր փաթեթների շրջանակներում սիրիահայերին տեղեկատվությամբ ապահովում, ձեռներեցներին,
- Վանի, Մարաշի և այլ հայկական ազգային ասեղնագործությունների դասընթացների կազմակերպում,

- Ցուցահանդես-վաճառքների կազմակերպում սիրիահայ ձեռներեցների համար ինչպես Սիրիահայերի միության անդամների համար, այնպես էլ գործընկեր կառույցների համապատասխան ծրագրերի շրջանակներում տրամադրվող ծառայությունների շրջանակներում,
- Այլ միջամտություններ պոտենցիալ թիրախային շահառուների տնտեսական ինտեգրման պահանջներին համապատասխան՝ ըստ իրավիճակի:

Պոտենցիալ շահառուներ

Հայաստան տեղափոխված և Հայաստանում հաստատվել փորձող սիրիահայեր, սիրիահայ ձեռներեցներ, փոքր, միջին և խոշոր սիրիահայ գործարարներ:

**Սիրիահայերի հիմնախնդիրները համակարգող կենտրոն**

Հասցե. [Երևան, Զաքարիա Քանաքեռցու \(Մարկավագի\) փող., 1 շենք](#)  
 Հեռ. [011 51 22 51](tel:011512251)  
 Էլ. փոստ. [ccsaingo@yahoo.com](mailto:ccsaingo@yahoo.com)

Աջակցման շրջանակ

(Սոցիալ-տնտեսական ինտեգրում)

- Կրթաթոշակների (ուսման վարձի 50%-ի չափով)

տրամադրում (նախատեսված է 2018թ.-ի օգոստոսից),

- Համակարգչային բազային դասընթացների կազմակերպում,  
Մեղանի ձևավորում, ֆուրշեթ դասընթացների կազմակերպում,  
Ռուսերեն և արևելահայերեն լեզուների կարճաժամկետ (3 ամիս, որից հետո տրամադրվում է համապատասխան վկայական) դասընթացների կազմակերպում:

(Մշակութային ինտեգրում)

- Պարի դասընթացների կազմակերպում գեղագիտության ազգային կետրոնի պարային ստուդիայի հետ համատեղ,
- Ցուցահանդես վաճառքի կազմակերպում ձեռագործ աշխատանքների համար,
- Ամառային ճամբարների կազմակերպում:

(Հումանիտար)

- Մանկի, հիգիենիկ պարագաների փաթեթի և հագուստի տրամադրում,

- Վիրահատությունների և դեղորայքի գումարի միջ- նորդում, Հայկական բարեգործական ընդհանուր միության և Ամերիկայի հայ ավետարանչական ընկերակցության հետ համագործակցությամբ:

Պոտենցիալ շահառուներ

Միրիայից տեղահանված  
հայեր:

«ՀԱԼԵՊ»

**Հայրենակցական բարեսիրական հասարակական կազմակերպություն**

Հասցե. Երևան, Հյուսիսային պող. 11

Հեռ. 010 54 53 69

Էլ. փոստ. [info@aleppo-ngo.org](mailto:info@aleppo-ngo.org)

Աջակցման շրջանակ

(Սոցիալ-տնտեսական ինտեգրում)

«Հյուրընկալ և ընտանիք մը»

Այս ծրագրի հիմնական նպատակն է կասեցնել Հայաստանից սիրիահայերի արտագաղթելու հրատապ երևույթը՝ աջակցելով սիրիական համայնքի առջև ծառայած բնակարանային խնդրի լուծմանը:

Ծրագիրն իրականացվում է բարերարների նյութական աջակցությամբ, ովքեր, ծրագրում ներդնելով 15,000 – 20,000 ԱՄՆ դոլարի չափով գումար, հնարավորություն են ունենում գնել բնակարաններ ու գրանցել իրենց (բարերարների) անուններով:

Ծրագրի շրջանակում բնակարանները տրամադրվում են 7-

10 տարի ժամկետով *առավել խոցելի*

*դրությունում հայտնված սիրիահայ*

*ընտանիքներին* (առանց վարձ- ավճարի)

նախապես սահմանված պայմաններով: Համաձայն «ՀԱԼԵՊ» ՀԲՀԿ-ի և ՄԱԿ ՓԳՀ-ի միջև սույն ծրագրի շրջանակում կնքված փաստաթղթի՝ վերջինս տրամադրում է կահույք ձեռք բերված բնակարանների համար:

Այս ծրագրի շրջանակում «ՀԱԼԵՊ» ՀԲՀԿ-ը համագոր-

ծակցում է նաև Global Hope Network International-ի հետ սիրիահայ ընտանիքների բնակարան առաջարկելով նաև Լոռու մարզի Սպիտակ քաղաքում:

**«Արևիկ-Հայաստան» մտավոր և ֆիզիկապես թերաճ անձանց կենտրոն**

«Արևիկ» կենտրոնը շուրջ 13 տարի գործել է Սիրիայի Հալեպ քաղաքում երեք համայնքապետերի հովանավորությամբ, սակայն սիրիական պատերազմի պատճառով ստիպված դադարեցրել է իր գործունեությունը:

Սիրիական հակամարտության հետևանքով ծանր կացության և անապահովության հետևանքով Հայաստան տեղափոխված «Արևիկ»-ի սաները և ուսուցիչները

«ՀԱԼԵՊ» կազմակերպության շնորհիվ նորից համախմբվել են, և արդեն «Արևիկ-Հայաստան» դարձած կենտրոնի աշխատանքներն իրենց շարունակությունն են գտել

«ՀԱԼԵՊ» ՀԲՀԿ-ի կենտրոնում 2014թ.հոկտեմբերի 1-ից:

«Արևիկ-Հայաստան» կենտրոնը անվճար հիմունքներով աջակցություն է ցուցաբերում *Հայաստանում ապաստան գտած մտավոր և ֆիզիկապես հաշմանդամության խնդիրներ ունեցող սիրիահայերին՝* նպատակ ունենալով դյուրացնել նրանց առօրյան և աջակցել նրանց ներգրավվածությանը հասարակական կյանքում:

«ՀԱԼԵՊ» ՀԲՀԿ-ի «Արևիկ-Հայաստան» կենտրոնը



գործում է ամեն օր, բացի շաբաթ և կիրակի օրերից: Կենտրոնի սաներն անվճար ստանում են հոգեբանական աջակցություն և մասնակցում են հատուկ ուսուցողական դասընթացների, ինչպիսիք են մաթեմատիկայի, նկարչու- թյան, երաժշտական, ֆիզիկական դաստիարակության, թատրոն- թերապիայի, խոսքի զարգացման և ձեռագործ աշ- խատանքների պատրաստման դասընթացները: Վերո- հիշյալ դասընթացներն իրականացվում են մի խումբ նվիր- յալ սիրիահայ ուսուցիչների և աշխատակազմի կողմից:

### **Արևելյան խոհանոցի հիմնում**

Նկատի ունենալով սիրիահայերի, մասնավորապես սիրիահայ կանանց շրջանում առկա գործազրկության բարձր մակարդակը և հաշվի առնելով նրանց հիմնական կարողություններից խոհարարական հմտությունների տիրապետումը «ՀԱԼԵՊ» ՀԲՀԿ-ը հիմնում է արևելյան ուտեստների խոհանոց, որը նպատակ ունի ստեղծել աշխատատեղեր սիրիահայ կանանց համար և նպաստել նրանց տնտեսական ու սոցիալական զարգացմանը Հա- յաստանում: Մենդի արտադրամասի հիմնումը նպատակ ունի նաև խթանել հատուկ կարիքներ ունեցող սիրիա- հայերի ներգրավումը քաղաքացիական կյանքում:

*Ծրագրի շահառուներն են՝ գործազուրկ սիրիահայեր, հատուկ կարիքներ ունեցող սիրիահայեր:*

**Սոցիալ-հոգեբանական աջակցություն սիրիահայերին**

«ՀԱԼԵՊ» ՀԲՀԿ-ը իրականացնում է սոց-հոգեբանական աջակցություն ցուցաբերող ծրագիր, որի նպատակն է *Սիրիայի հակամարտության հետևանքով հարազատ կորցրած և նյութական վնաս կրած անձանց* տրամադրել սոցիալ-հոգեբանական աջակցություն:

Սոց-հոգեբանական աջակցությունը ցուցաբերվում է յուրաքանչյուր ուրբաթ օր: Հավաքներին իրենց մասնակցությունն են բերում ԱՀԹ քահանան և տարբեր խոսնակներ, ովքեր ոչ միայն տրամադրում են հավաքի մասնակիցներին սոց-հոգեբանական աջակցություն, այլև նպաստում են նրանց կրթական, գիտական զարգացմանը ու աջակցում տվյալ սիրիահայերի ինքնաիրացմանը հայաստանյան քաղաքացիական կյանքում:

**Կանանց ձեռներեցությանը նպաստող դասընթացներ (ավանդական ասեղնագործության, թաղիքագործության, կարպետագործության, ինչպես նաև խոհարարության, վարսահարդարման և մատնահարդարման դասընթացներ սիրիահայ կանանց համար)**

Այս ծրագրի նպատակն է խթանել *սիրիահայ կանանց* ձեռներեցության հմտությունների զարգացումը, նրանց տնտեսական մասնակցությունը և սոցիալական պայմանների բարելավումը:

**Բիզնես անգլերենի անվճար առցանց դասընթացներ**

Բիզնես անգլերենի անվճար առցանց

դասընթացները կազմակերպվում են «Yerevan MOOC Camp Coursera for refugees» ծրագրի շրջանակում: Դասընթացների նպատակն է ՀՀ-ում գտնվող տեղահանված անձանց, ինչպես նաև տեղաբնակներին տրամադրել բիզնես անգլերենի (Basic Business English, Business English and English for Business and Entrepreneurship) անվճար առցանց

դասընթացներ՝ օժանդակելու անգլերեն լեզվի իմացության բարելավմանը և նպաստելու տեղահանված անձանց և տեղաբնակների սոցիալ-տնտեսական ներգրավմանը հայաստանյան քաղաքացիական կյանքում: Դասընթացները կազմակերպվում են ՀՀ-ում ԱՄՆ դեսպանության աջակցությամբ:

### **Արևմտահայերենի ակումբ**

Արևմտահայերենի ակումբը խթանում է նոր սերդի շրջանում արևմտահայերենի իմացությունը: Դասընթացներին մասնակցում են սիրիահայեր և տեղաբնակներ: Այս ծրագիրը նույնպես հնարավորություն է ընձեռում արևմտահայերենի լեզվի սիրիահայ ուսուցիչներին ապահովել աշխատանքով:

**Խորհրդատվական ծառայություն և սոցիալ-հոգեբանական աջակցություն սիրիահայ երիտասարդներին**  
Ծրագիրը Հայաստանում հաստատված սիրիահայ երիտասարդներին տրամադրում է սոցիալ-հոգեբանական աջակցություն և

մատուցում խորհրդատվական ծառայու- թյուններ՝ նպաստելով երիտասարդների ներուժի վերհան- մանը և հայաստանյան քաղաքացիական կյանքում ակտիվ մասնակցությանը:

(Մշակութային ինտեգրում)

**Մանկապատանեկան հավաքներ սիրիահայ մանուկների և պատանիների համար**

Ծրագրի նպատակն է կազմակերպել *սիրիական հակա- մարտության հետևանքով Հայաստանում ապաստա- նած սիրիահայ մանուկների և պատանիների* ազատ ժամանակը, տրամադրել գիտելիքներ և հմտություններ, որոնք անձի զարգացման համար մեծ նշանակություն ունեն, նպաստել նոր սերնդի ազգային, հայրենասիրական ոգով դաստիարակմանը և մշակութային արժեքների հետ ծանոթ- ացմանը: Մանկապատանեկան հավաքներն անց են կացվում ամեն շաբաթ օր 4-ից 9-ը և 10-ից 16 տարեկան սիրիահայ մանուկների և պատանիների համար:

(Հումանիտար)

**«Տարուկ Ձմեռ»** ծրագրի շրջանակում տարատեսակ մար- դասիրական օգնության (հագուստ, կոշիկ, պարեն, հիգիե- նիկ պարագաներ, դրամային օգնություն) փաթեթներ են տրամադրվում կազմակերպության 6100 շահառուներին: Ծրագրի շրջանակում մարդասիրական օգնությունը տրա- մադրվում է ամբողջ տարվա ընթացքում:

### «Որդեգրե ընտանիք մը»

2015 թվականի հունիս ամսից «ՀԱԼԵՊ» ՀԲՀԿ իրականաց- նում է «Որդեգրե ընտանիք մը» մարդասիրական շտապ օգնության ծրագիրը, որի նպատակն է ստեղծել հարթակ անհատ բարերարների համար՝ «ՀԱԼԵՊ» ՀԲՀԿ-ի միջոցով կապ հաստատելու կարիքավոր սիրիահայ ընտանիքների հետ՝ նրանց «որդեգրելու» և ամսական 100-ից 200 դոլար ֆինանսական օգնություն ցուցաբերելու համար: Ֆինանսա- կան օգնությունը նախատեսված է կենցաղային ծախսերը (վարձավճար, կոմունալ, սնունդ և այլն) հոգալու համար: Այս ծրագիր նպատակն է նաև խթանել Հայաստանում սիրիահայ ընտանիքների հաստատմանը և ինտեգրմանը: *Ծրագիրը ներառում է կարիքավոր սիրիահայ ընտանիք- ների, ովքեր գտնվում են առավել խոցելի դրությունում, ունեն հատուկ կարիքներ, առողջական լուրջ խնդիրներ, բազմանդամ են կամ միայնակ ծնողներ են:*

### «Փրկե կեանք մը»

Ծրագրի նպատակն է աջակցել դժվար կացության մեջ հայտնված և օգնության համար «ՀԱԼԵՊ» ՀԲՀԿ-ին դիմած սիրիահայերին՝ ձեռք բերել մեկ-ուղղությամբ տոմս դեպի Հայաստան՝ Սիրիայից – Լիբանան – Հայաստան:

*Ծրագրի շահառուներն են՝ Սիրիայում խոցելի դրությունում գտնվող, մարդկային և նյութական ծանր վնաս կրած անձիք:*

### Պոտենցիալ շահառուներ

Միրիական համակարտության հետևանքով  
Հայաստանում ապաստանած սիրիահայեր:

## **Վերադարձ Հայաստան հիմնադրամ**

Հասցե. Երևան, Մելիք Ադամյան 2/2

Հեռ. 093 77 84 34

Էլ. փոստ. [contact@repatarmenia.org](mailto:contact@repatarmenia.org)

### Աջակցման շրջանակ

(Սոցիալ-տնտեսական ինտեգրում)

2016թ IDeA հիմնադրամը հանդես եկավ նախաձեռնությամբ, որը միտված էր անմիջական աջակցություն ապահովել Միրիայում ռազմական կոնֆլիկտից տուժած հայ համայնքի ներկայացուցիչներին՝ օգտագործելով միջազգային, կառավարական և հասարակական հնարավոր հարթակները: 250,000 ԱՄՆ դոլար նախնական հանգանակությամբ սկսված նախաձեռնությունը, որի հիմքում դրվեց Միրիայում բնակվող, Միրիայից հեռանալ ցանկացող և արդեն Հայաստանում վերահաստատված սիրիահայ ընտանիքների բազմաշերտ աջակցությունը, իրականացվեց «Վերադարձ Հայաստան» հիմնադրամի, «Առաքելություն Հայաստան», «ՀԲԸՄ» և «ՀԱԼԵՊ» հայրենակցական բարեսիրական կազմակերպությունների միջոցով:

«ՀԲԸՄ»՝ աջակցություն Միրիայում բնակվող հայերին  
«ՀԱԼԵՊ Հայրենակցական Բարեսիրական  
կազմակերպություն»՝ օժանդակություն

Հայաստան տեղափոխվել ցանկացող հայերին  
«Վերադարձ Հայաստան հիմնադրամ»՝ աջակցություն  
Հայաստանում ինտեգրացիայի գործընթացներում  
«IDeA հիմնադրամ» օժանդակություն

«Վերադարձ Հայաստան» հիմնադրամը որպես  
ինտեգրացիայի, աշխատանքի զբաղվածության և  
բիզնես օժանդակության գործընթացների աջակից  
իրականացնում է՝

## 1. Կողմնորոշման հանդիպում

- Հայրենադարձների և Հայաստանում բնակվող սիրիահայերի միջոցով հայաստանյան կենսակերպի նկարագրում/քննարկում,
- ՀՀ քաղաքացի դառնալու դեպքում ընձեռնված առավելությունների քննարկում,
- ՀՀ կառավարման համակարգի, գործակալությունների, օրենքների ու կարգավորումների, ընտանեկան բյուջեի և բիզնեսի գրացման գործընթացների հակիրճ նկարագրում,
- ՀՀ առաջընթացի ներկայացում,
- Հայաստանում աշխատանք փնտրելու ձևերի և միջոցների նկարագրում /լավագույն կայքեր և մեթոդներ/,
- Զբաղվածության մեծ ցուցանիշ ունեցող ոլորտների և վերապատրաստման կենտրոնների ներկայացում:

## 2. Կարիքների գնահատում

-Անհատական հանդիպումների ապահովում, որտեղ քննարկվում են դիմորդին հուզող ինտեգրացիոն բոլոր հարց ու պատասխանները:

### **3. Քաղաքացիություն/Կացության աջակցություն**

Կամավորի տրամադրում ՕՎԻԲ-ում՝ տեղում աջակցելու քաղաքացություն կամ կացության քարտ ձեռք բերող սիրիահայերին:

*Ներառում է՝*

- Փաստաթղթերի թարգմանություն և նոտարի այցելություններ
- Փաստաթղթերի լրացում
- Տեղում թարգմանություն արևելահայերեն/արևմտահայերեն/ ռուսերեն լեզուների միջև:

### **4. Աշխատանքային զբաղվածության աջակցություն**

Աշխատանքային զբաղվածության նախապայման համարվող ինքնակենսագրականը սիրիահայ դիմորդի համար որպես կանոն այդպիսին չի համարվել: Ունենալով մեծ փորձ Հայաստանում ընդունելի ինքնակենսագրականի լրացման/ձևավորման/թարմացման մեջ, «Վերադարձ Հայաստան» հիմնադրամը գրել և կամ փոփոխել է դրանք:

Սիրիահայերի համար աշխատանքային զբաղվածությունն ապահովելու նպատակով «Վերադարձ Հայաստան» հիմնադրամը կազմակերպել է՝



- Հանդիպում NDigitec ընկերության HR-ի և երիտասարդ սիրիահայերի միջև
- «Միացի՛ր Ucom»-ին նախաձեռնություն, իրականացված Ucom-ի և «Վերադարձ Հայաստան» հիմնադրամի հետ համագործակցությամբ
- Մասնագիտական փորձառնության հնարավորություն «Ռուսագուտրախ» և «Agent +50 project» ընկերությունների կողմից սիրիահայերի համար
- Խոհարարական /տներում և հեռակա/ համագործակցություն ամերիկացի էքսփաթնների հետ,
- Ծրագրավորման դասընթացներ Armenian Code Academy-ում,
- Ձեռագործության և կարի դասընթացներ Սիրիահայերի միության հետ և հետագայում HDIF ընկերության մոտ աշխատանքի հնարավորություն,
- Համագործակցություն սիրիահայ արհեստավորների՝ ոսկերիչներ, արծաթագործներ, ձեռագործություններ և HDIF-ի միջև:

## 5. Բիզնես տեղեկատվության տարածման աջակցություն

«Վերադարձ Հայաստան» հիմնադրամի կողմից հիմնված «Siramark Business Directory»-ն ստեղծման նախնական շրջանում նպատակ ուներ ընդգրկել Հայաստանում գործող սիրիահայ բոլոր

բիզնեսների մասին տեղեկատվություն: Այժմ, սակայն, այն վերածվել է երկրում առկա հայրենադարձ գրեթե բոլոր բիզնեսների տեղեկատվության տարածման հարթակի, որոնց մասին տեղեկությունները դրվում են նաև «Վերադարձ Հայաստան» հիմնադրամի պաշտոնական կայքում:

### Պոտենցիալ շահառուներ

Միրիայում ռազմական կոնֆլիկտից տուժած հայ համայնքի ներկայացուցիչներին:

**«Վորլդ Վիժն» միջազգային բարեգործական կազմակերպության հայաստանյան մասնաճյուղ**

Հասցե. Երևան, Ռ. Մելիքյան 1, Մալաթիա-Մեքաստիա

Հեռ. 010 74 91 18

Էլ. փոստ. [wvarmenia@wvi.org](mailto:wvarmenia@wvi.org)

Աջակցման շրջանակ

*(2017թ-ի հոկտեմբերից մինչև 2018թ.-ի սեպտեմբեր)*

(Սոցիալ-տնտեսական ինտեգրում)

**Նպատակ:** Աջակցել տեղահանված և հակամարտության հետևանքով տուժած անձանց համար զբաղվածության հնարավորությունների և ապրուստի միջոցների հասանելիության բարձրացմանը Հայաստանում:

**Վայրեր:** Երևան, Չարենցավան (Կոտայքի մարզ), Դարբնիկ (Արարատի մարզ) և հարակից համայնքներ **Աջակցության ուղղություններ.**

**Աշխատանքի տեղավորում`**

- աշխատանք փնտրողների ծանոթացում պոտենցիալ գործատուների հետ,
- մասնագիտական վերապատրաստման դասընթաց- ների կազմակերպում,
- աշխատանքի ընդունված շահառուներին շարունակ- կական աջացություն, խորհրդատվություն,
- աշխատանք փնտրողների և գործատուների խրա- իսուսում:

### **Փոքր բիզնես խրախուսում՝**

- Բիզնես պլանավորման դասընթացների կազմա- կերպում,
- Գործող և սկսնակ բիզնեսների բիզնես շարունակա- կան խորհրդատվություն,
- Սահմանափակ ֆինանսական միջոցների հասա- նելության ապահովում:

### **Երիտասարդների հետ աշխատանք (SKYE ակումբներ)՝**

- Սոցիալական ձեռներեցության և աշխատունակու- թյան վերաբերյալ դասընթացներ,
- Հնարավորություններ աշխատանք գտնելու կամ բիզնես սկսելու համար,
- Համակարգչային անկյունների ստեղծում Երևան, Չարենցավան և Դարբնիկ համայնքներում:

### Պոտենցիալ շահառուներ

Տեղահանված և հակամարտության հետևանքով տուժած անձինք:

## **Հայաստանի Հանրապետության փաստաբանների պալատի հանրային պաշտպանի գրասենյակ**

Հասցե. Երևան, Զաքիյան 7-2, 2-րդ հարկ

Հեռ. 010 60 07 14, 010 60 46 05

Էլ. փոստ. [pashtpan@advocates.am](mailto:pashtpan@advocates.am)

### Աջակցման շրջանակ

Հանրային պաշտպանի գրասենյակը (կրճատ ՀՊԳ) հիմնադրվել է Հայաստանի Հանրապետությունում սոցիալապես անապահով խավերին օրենքով նախատեսված կարգով ու դեպքերում անվճար իրավաբանական օգնու- թյուն տրամադրելու համար:

ՀՊԳ-ում աշխատող հանրային պաշտպանը փաստաբան է, որը գործում է գրասենյակի ղեկավարի ներկայա- ցմամբ՝ ՀՀ փաստաբանների պալատի նախագահի հետ կնքած աշխատանքային պայմանագրի հիման վրա: Հանրային պաշտպանը վարձատրվում է պետական բյուջեից օրենքով սահմանված չափով և կարգով:

Քրեական գործերով անվճար իրավաբանական օգնությունն իրականացվում է վարույթն իրականացվող մարմնի որոշման հիման վրա ՀՊԳ ղեկավարի կողմից հանրային պաշտպանի նշանակման միջոցով: Քաղաքացիական, վարչական և սահմանադրական գործերով՝ անվճար իրավաբանական օգնությունը տրամադրվում է քաղաքացիների դիմումների հիման վրա ՀՊԳ ղեկավար կողմից օրենքով նախատեսված դեպքերում և կարգով:

### Պոտենցիալ շահառուներ

«Փաստաբանության մասին» ՀՀ օրենքի 41-րդ հոդվածի 5-րդ մասի համաձայն անվճար իրավաբանական օգնություն կարող են ստանալ.

- 1) Հայաստանի Հանրապետության սահմանների պաշտպանության ժամանակ զոհված (մահացած) զինծառայողի ընտանիքի անդամները.
- 2) 1-ին և 2-րդ խմբի հաշմանդամները.
- 3) դատապարտյալները.
- 4) ընտանիքների անապահովության գնահատման համակարգում հաշվառված՝ 0-ից բարձր անապահովության միավոր ունեցող ընտանիքի անդամները.
- 5) Հայրենական մեծ պատերազմի և Հայաստանի Հանրապետության սահմանների պաշտպանության ժամանակ մարտական գործողությունների մասնա- կիցները.
- 6) գործազուրկները.
- 7) միայնակ բնակվող կենսաթոշակառուները.
- 8) առանց ծնողական խնամքի մնացած երեխաները, ինչպես նաև առանց ծնողական խնամքի մնացած երեխաների թվին պատկանող անձինք.
- 9) փախստականները.
- 10) Հայաստանի Հանրապետությունում ժամանակավոր պաշտպանություն ստացածները.
- 11) անվճարունակ այն ֆիզիկական անձինք, որոնք իրենց անվճարունակությունը հաստատող հավաստի տվյալներ են ներկայացնում: Սույն կետի իմաստով անվճարունակ է համարվում այն

Ֆիզիկական անձը, որը չունի բավարար եկամուտ, համատեղ բնակվող աշխատող ընտանիքի անդամ, ինչպես նաև բացի անձնական բնակարանից, որպես սեփականություն չունի այլ անշարժ գույք կամ նվազագույն աշխատավարձի հազարապատ- տիկը գերազանցող արժեքի փոխադրամիջոց.

- 12) հոգեբուժական կազմակերպությունում բուժվող հոգեկան խանգարումներ ունեցող անձինք.
- 13) օրենքով սահմանված կարգով մարդկանց թրաֆիքինգի և շահագործման ենթարկված զոհերի նույնացման հանձնաժողովի կողմից զոհ կամ հատուկ կատեգորիայի զոհ ճանաչված անձինք.
- 14) Հայաստանի Հանրապետությունում ապաստան հայցողները.
- 15) խոշտանգումից տուժած անձինք՝ Հայաստանի Հանրապետության քաղաքացիական օրենսգրքի 1087.3-րդ հոդվածով սահմանված կարգով փոխ- հատուցում ստանալու նպատակով:

Անվճար իրավաբանական օգնություն ցույց չի կարող տրվել սույն հոդվածի 5-րդ մասում նշված անձանց՝

- 1) ձեռնարկատիրական բնույթի գործերով (ներառյալ՝ կորպորատիվ վեճերով).
- 2) նվազագույն աշխատավարձի հազարապատիկը գերազանցող գույքային (գումարի) պահանջով գործերով, բացառությամբ այն գործերի, որտեղ անձը հանդես է գալիս որպես պատասխանող

կամ պատասխանողի կողմում հանդես եկող երրորդ անձ.

- 3) եթե առկա են դիմող անձի անվճարունակությունը ժխտող փաստական հավաստի տվյալներ:



## **ՀՀ մարդու իրավունքների պաշտպանի աշխատակազմ**

Հասցե. Երևան, Պուշկին 56 ա

Հեռ. 010 53 76 51

Թեժ գիծ. 116

Էլ. փոստ. [ombuds@ombuds.am](mailto:ombuds@ombuds.am)

### Աջակցման շրջանակ

(Իրավական  
աջակցություն)

Մարդու իրավունքների պաշտպանը հետևում է պետական և տեղական ինքնակառավարման մարմինների և պաշտոնատար անձանց, ինչպես նաև հանրային ծառայությունների ոլորտում գործող կազմակերպությունների կողմից մարդու իրավունքների և ազատությունների պահպանմանը, ինչպես նաև նպաստում է նշյալ կառույցների կողմից խախտված իրավունքների վերականգնմանը:

### Պոտենցիալ շահառուներ

Պաշտպանին դիմելու իրավունք ունի յուրաքանչյուր ոք, ներառյալ տեղահանված անձինք, ինչպես նաև յուրաքանչյուր իրավաբանական անձ:

## **ՀՀ փոքր և միջին ձեռնարկատիրության զարգացման ազգային կենտրոն հիմնադրամ**

Հասցե. [Երևան, Մհեր Մկրտչյան 5 ա](http://www.smednc.am)

Հեռ. [012 54 16 48](tel:012541648), [012 56 37 14](tel:012563714), [012 58 32 61](tel:012583261), [010 23 71 02](tel:010237102)

Էլ. փոստ. [info@smednc.am](mailto:info@smednc.am)

### Աջակցման շրջանակ

(Սոցիալ-տնտեսական ինտեգրում)

- Միրիահայերի ձեռնարկատիրական գործունեության համալիր խթանում՝
  1. ձեռնարկատիրական հմտությունների դասընթացներ (1 ամիս),
  2. դասընթացների փուլի ավարտից հետո ներկա- յացված գործարար ծրագրերի վերանայում, հաս- տատում և խորհրդատվության տրամադրում 6 ամսվա ընթացքում,
  3. վարկային պարտավորությունների կատարման վերաբերյալ երաշխավորման նամակով միջ- նորդության արդյունքում ցածր տոկոսադրույքով (4%) վարկերի տրամադրման ապահովում սկս- նակ բիզնեսների համար,
  4. շահառուների կողմից վարկային պարտավորու- թյունների մարման անհնարինության դեպքում, տվյալ վարկերի մարում՝ արտոնյալ պայման- ներով վարկի մարման վերաբերյալ համա- ձայնագրի հիմքով:

Պոտենցիալ շահառուներ  
Միբիայից տեղահանված  
հայեր:

## **«Առաքելություն Հայաստան» ԲՀԿ**

Հասցե. Երևան, Գարեգին Նժդեհի 42

Հեռ. 010 44 47 92, 010 44 47 61

Էլ. փոստ. [org@ngo.mission.am](mailto:org@ngo.mission.am)

### Աջակցման շրջանակ

(Հումանիտար, իրավական և սոցիալ-տնտեսական  
ինտե-գրում)

**Օրագիրը՝ «Սոցիալական, բժշկական, իրավաբանական  
և կացարանային աջակցության  
տրամադրում Հայաստանում գտնվող**

**փախստականներին եւ ապաստան հայցողներին»**

*Թիրախ խմբերը.* Փախստական, ապաստան հայցող և  
փախստականի նման իրավիճակում գտնվող անձինք  
(Սիրիա, ԼՂ)

### Ծառայությունները

- Սոցիալական ծառայություններ (ինտեգրմանն ուղղված դեպքի վարումներ, խորհրդատվություն, միջնորդումներ եւ այլն),
- Խնամքի ծառայություններ (անկողնային և սահմանափակ շարժունակ անձանց խնամք ըստ անհրաժեշտության)
- Առողջապահական ծառայություններ (բժշկի խորհրդատվություն, դեղորայքի տրամադրում, անհրաժեշտության դեպքում բուժման եւ հետազոտության կազմակերպում)
- Հումանիտար աջակցություն (դրամական եւ ոչ դրամական/հիգիենիկ, անկողնային պարագա- ներ, սնունդ և այլն տրամադրում)
- Կացարանային աջակցություն (կացարանի

հարցի լուծում բնակարանների վարձավճարի մասնակի փոխհատուցման և սոցիալական բնակեցման միջոցով)

- Իրավաբանական աջակցություն
- Թիրախային խմբի շահերի պաշտպանություն

(Հումանիտար, սոցիալ-տնտեսական և մշակութային ինտեգրում)

Օրագիրը՝ «Կրթական / մասնագիտական աջակցություն Հայաստանում Սիրիայից տեղահանված երեխաներին և երիտասարդներին»

Թիրախ խմբերը. Պատերազմի հետևանքով Սիրիայից տեղահանված երեխաներ և երիտասարդներ Օտարությունները

- Մասնագիտական ուսուցումներ (վարսահարդարում, դիմահարդարում, քեյթրինգ/ուտեստների ձևավորում, համակարգչային գրագիտություն)
- Դպրոցահասակների դասապատրաստում,
- Շարունակական խորհրդատվություն դպրոցական առարկաների հարցում երեխաների ունեցած դժվարությունների շուրջ,
- Հումանիտար աջակցություն (կաթնամթերքի բաշխում),
- Սոցիալ-տեղեկատվական աջակցություն,
- Սոցիալ-մշակութային աջակցություն (շրջայցերի կազմակերպում դեպի ՀՀ պատմամշակութային և տեսարժան վայրեր):

(Հումանիտար, սոցիալ-տնտեսական ինտեգրում)

Օրագիրը՝ «Հոգեբանական աջակցություն  
Սիրիայից տեղահանված բնակչությանը»

Թիրախ խմբերը. Սիրիայից տեղահանված  
կանայք, երիտասարդներ, երեխաներ,  
մեծահասակներ Օտոայությունները

- Անհատական հոգեբանական  
խորհրդատվություն,
- Խմբային հոգեբանական աշխատանք,
- Դասընթացներ ծնողների,  
ուսուցիչների համար (ծնողավարություն),
- Անձնային աճին ուղղված թրեյնինգներ,
- Տեղեկատվական աջակցություն,
- Ինտեգրմանն ուղղված  
քննարկումներ տարբեր թեմաներով:

**«ԿԱԶԱ» շվեյցարական  
մարդասիրական հիմնադրամ**

Հասցե Երևան, Թումանյան 24, բն. 5

Հեռ. 010 58 40 32, 010 54 18 44

Էլ. փոստ. [espaces@kasa.am](mailto:espaces@kasa.am)

Աջակցման շրջանակ

*(2018թ.-ի հունվարից մինչև 2018թ.-ի դեկտեմբեր)*

(Սոցիալ-տնտեսական ինտեգրում)

- Հայերեն, ռուսերեն լեզուների կարճաժամկետ (3 ամիս մեկ մակարդակի համար, տարվա մեջ 2 անգամ) դասընթացների կազմակերպում,
- Մասնագիտական կարճաժամկետ (1-7 ամիս կախված դասընթացի տեսակից) դասընթացների կազմակերպում, այդ թվում՝ զբոսավարություն (7 ամիս), համակարգչային հմտություններ (1 ամիս), խոհարարություն (2 ամիս), վարսահարդարում (2 ամիս),
- «Երկուսով աշխատանքի համար» ծրագրի շրջանակներում Կամավորը աջակցում է շահառուին աշճատանք գտնելու հարցում,
- «Ընտանիքի ընկեր» ծրագրի շրջանակներում Կամավորները աջակցում են շահառուներին սոցիալ մշակութային ինտեգրման հարցում:

(Մշակութային ինտեգրում)

- «Միացիր համայնքին» ծրագրի շրջանակներում Կամավորները աջակցում են Հատուկ Կացարանում բնակվող շահառուներին միջմշակութային ինտեգրման հարցում:

## Պոտենցիալ շահառուներ

Հայաստանում ապաստան հայցողի կամ փախստականի կարգավիճակ ունեցող տեղահանված անձինք (անկախ ազգությունից), ինչպես նաև ԼՂՀ-ից ներքին տեղահանված անձինք:



**«Հայկական Կարիտաս» բարեսիրական  
հասարակական կազմակերպություն, Երևանի  
գրասենյակ**

Հասցե. Երևան, Չայկովսկի 34, բն. 23

Հեռ. 010 56 57 66

Էլ. փոստ. [l.stepanyan@caritas.am](mailto:l.stepanyan@caritas.am)

Աջակցման շրջանակ

*(2017թ.-ի հունվարից մինչև 2019թ.-ի դեկտեմբեր)*

(Իրավական և սոցիալ-տնտեսական ինտեգրում)

**Ծրագրի անվանում՝ «Ճանաչել: Պաշտպանել:**

**Իրագործել» Ծրագրի գործընկերներ՝**

Եվրոպական Միություն, Կարիտաս Ավստրիա,  
Կարիտաս Լիբանան

**Ընդհանուր նպատակը՝** Նպաստել ապաստան հայցող-  
ների, փախստականների և միգրանտների՝  
մարդու իրավունքների պաշտպանությանը  
Լիբանանում և Հայաստանում.

- իրավաբանական խորհրդատվություն,
- քարոզչական, տեղեկատվական նյութերի  
(փախս-տականներին աջակցություն  
ցուցաբերող կազմակերպությունների,  
փախստականների կարգավիճակի և  
իրավունքների մասին գրքույկի, բուկլետի)  
մշակում,
- հիմնական շահագրգիռ կողմերի հետ համատեղ  
Հայաստանում փախստական ընտանիքների  
համար իրազեկման հանդիպումների  
իրականացում,  
«թեժ գիծ» տեղեկատվական ծառայություն

- սի- րիահայերի համար,
- լեզվի դասընթացներ (արևելահայերեն, ռուսերեն, անգլերեն) սիրիահայերի, սիրիացիների, տեղահանված այլ անձանց համար,
  - աջակցություն զբաղվածության ապահովմանը՝ գործիքների տրամադրման միջոցով,
  - բիզնես աջակցություն՝ դասընթացների, ուղղորդման և բիզնես ինկուբացիայի միջոցով,
  - դասընթացներ սիրիահայ երիտասարդության համար՝ ուղղված մարդու իրավունքների հարցերի շուրջ իրազեկվածության բարձրացմանը (ճամբարի միջոցով):

#### Պոտենցիալ շահառուներ

Խոցելի փախստական ընտանիքներ, ապաստան հայցողներ, միգրանտներ և տեղահանված այլ անձիք:

## Հայկական Կարմիր խաչի ընկերություն

Հասցե. Երևան, Պարոնյան փ. 21/1

Հեռ. 060 62-50-63, 055 65-50-65

Էլ. փոստ. [arcs-pm@redcross.am](mailto:arcs-pm@redcross.am)

### Աջակցման շրջանակ

(Մոցիալ-տնտեսական ինտեգրում)

- Եկամտաբերությանը խթանող ծրագրեր (գործիքների տրամադրում), բիզնես կողմնորոշում և ուղղորդում,
- Տեղեկատվական հանդիպումներ (Երևանում և ՀՀ մարզերում),
- Աշխատանքի վերաբերյալ խորհրդատվություն,
- Վերարտադրողական առողջության վերաբերյալ դասընթացներ,
- Դասընթացներ մեդիա ներկայացուցիչների համար,
- Սահմանապահների և քրեակատարողական հիմնարկների ներկայացուցիչների կարողությունների զարգացում և այցեր սահմանակետեր:

(Հումանիտար)

- Այցելություններ և աջակցություն ապաստան հայցողներին Հատուկ կացարանում և անհատական բնակարաններում,
- Աջակցություն գենդերային բռնությունից և այլ տրավմաներից տուժածներին, իրազեկության բարձրացմանն ուղղված գործունեություն,

- Հոգեբանական աջակցություն:

Պոտենցիալ շահառուներ

Հայաստանում ապաստան հայցողի կամ փախստականի կարգավիճակ ունեցող և քաղաքացիություն չունեցող անձինք (անկախ ազգությունից), ինչպես նաև Սիրիայից և ԼՂՀ-ից տեղահանված անձինք:

## Հայ օգնության ֆոնդի Հայաստանի մասնաճյուղ

Հասցե. [Երևան, Խորենացի](#)

22

Հեռ. [060 52 66 60](#)

### Աջակցման շրջանակ

(Սոցիալ-տնտեսական ինտեգրում)

- «Միրիահայ գործարարներին աջակցություն» ծրագիրն աջակցում է Հայաստանում սեփական փոքր կամ ընտանեկան բիզնես հիմնած կամ պատրաստող սիրիահայ հայրենադարձներին: Մրցութային հիմքով ընտրված սիրիահայ գործարարներին ՀՕՖ-ը տրամադրում է փոխկապակցված դրամաշնորհներ և նպատակային փոխառություններ:
- Կրթավճարներ են տրամադրվում ՀՀ բուհերում և միջին մասնագիտական ուսումնական հաստատություններում լավ առաջադիմություն ունեցող և սոցիալապես անապահով ուսանողներին:
- Բնագիտական առարկաների տերմինաբանությանը տիրապետելու, ինչպես նաև առարկայական դժվարությունները հաղթահարելու նպատակով դպրոցահասակ երեխաների համար կազմակերպվում են երկարօրյա դասընթացներ:

(Մշակութային ինտեգրում)

- Ամառային ամիսներին հանգստանալու,

կազդուր- վելու, ինչպես նաև տեղացի երեխաների հետ ընկերանալու և միջավայրին սահուն ինտեգրվելու նպատակով սիրիահայ երեխաների համար կազմակերպվում է ամառային ճամբար:

(Հումանիտար)

- Հայաստանում հաստատված սիրիահայերի սոցիա- լական կարիքները մեղմելու համար տրամադրվում է հումանիտար աջակցություն:

### Պոտենցիալ շահառուներ

Հայաստանում ապաստանած սիրիահայեր:

## Հայկական բարեգործական ընդհանուր միություն

Հասցե. Երևան, Մելիք Ադամյան

2/2

Հեռ. 060 72 22 10

Էլ. փոստ. [nune@agbu.am](mailto:nune@agbu.am)

### Աջակցման շրջանակ

(Իրավական և սոցիալ-տնտեսական ինտեգրում)

- **ՀՀ բարձրագույն և միջին մասնագիտական ուսումնական հաստատությունների սիրիահայ ուսանողների ուսման վարձավճարների փոխհատուցման ծրագիր**

Մեկնարկել է 2013թ. և գործում է մինչ օրս: Ծրագրին կարող են դիմել ՀՀ բարձրագույն և միջին մասնագիտական ուսումնական հաստատություններում սովորող մինչև 30 տարեկան սիրիահայ ուսանողները: Ծրագիրն իրականացվում է ՀՀ սփյուռքի նախարարության, ՀՀ կրթության և գիտության նախարարության, ՀԲԸՄ-ի, «Գալուստ Գյուլբենկյան» հիմնադրամի և Լոնդոնի Մբ. Սարգիս բարեգործական հիմնադրամի համատեղ միջոցներով:

- **Գյուղատնտեսական աջակցություն (գյուղտեխնիկ կայի, սերմերի, վառելիքի տրամադրում)**

Ծրագիրը մեկնարկել է 2014թ., որի շրջանակներում Հայաստանի սահմանամերձ գյուղերում վերաբնակեցված սիրիահայ ընտանիքներին տրամադրվում է գյուղտեխնիկա, սերմեր,

վառելանյութ:

(Մշակութային ինտեգրում)

- Մշակութային նախաձեռնությունների ֆինանսավորում/ կազմակերպում (համերգ, ցուցահանդես, գրքի հրատարակչություն),
- Մշակութային/ամանորյա միջոցառումներ սիրիահայ երեխաների համար  
Մեկնարկ՝ 2012թ.:

(Հումանիտար)

- **ՀԲԸՄ «Քլոտիա Նազարեան» բժշկական կենտրոն սիրիահայերի համար**  
Բժշկական կենտրոնը գործում է 2017թ. ապրիլից, որտեղ բժշկական խորհրդատվական անվճար ծառայություններ են ստանում բազմաթիվ սիրիահայեր: Կենտրոնում գործում են ակնաբուժական, գինեկոլոգիական, սրտաբանական ու մանկաբուժական բաժանմունքներ: Միությունն այժմ աշխատանքներ է տանում կենտրոնում քիթ-կոկորդ-ականջ հիվանդությունների բաժանմունք բացելու համար լիցենզիա ստանալու ուղղությամբ:
- **Վիրահատության և դեղորայքի գումարների փոխհատուցում**  
Ծրագիրը մեկնարկել է 2012թ. -ին:  
Սիրիահայերը բժշկական հաստատություն



դիմելուց հետո (ներառյալ ՀԲԸՄ «Քլոտիա Նազարեան» բժշկական կենտրոն) բժշկի ցուցումով կարող են դիմել «Միրիահայերի հիմնախնդիրները համակարգող կենտրոն» ՀԿ, եթե ծախսը չի հոգում պետությունը: Այնուհետև կենտրոնից հիվանդները ուղղորդվում են ՀԲԸՄ Հայաստան և ստանում իրենց աջակցությունը/փոխհատուցումը:

Պոտենցիալ շահառուներ

Միրիահայեր:

## **Ջինիշյան հիշատակի հիմնադրամ**

Հասցե. Երևան, Արուսյան 34, բն. 5

Հեռ. 010 56 70 58, 010 52 58 09, 010 54 44 17, 010 54 44 18

Էլ. փոստ. [jmf@jinishian.am](mailto:jmf@jinishian.am)

### Աջակցման շրջանակ

(Սոցիալ-տնտեսական ինտեգրում)

- Սիրիահայ փախստական ընտանիքների ձեռնարկատիրական գործունեության համալիր խթանում (Վորլդ Վիժնի հայաստանյան ներկայա-ցուցչության հետ համատեղ), որը նախատեսում է թե՛ անվճար տեխնիկական և թե՛ ֆինանսական աջակցություն սկսնակ և դեռ նոր պլանավորվող բիզնեսների համար: Նախաձեռնության շրջանակ-ներում հիմնադրամը հիմնականում կտրամադրի ցածր տոկոսադրույքով վարկեր երիտասարդ սիրիահայ փախստականներին՝ ՀՀ-ում ձեռնարկատիրական գործունեություն ծավալելու նպատակով:

### Պոտենցիալ շահառուներ

Սիրիական հակամարտության հետևանքով տեղահանված և Հայաստանում պաշտպանություն հայցող ինքնույթամբ հայ երիտասարդներ՝ մինչև 35 տարեկան:

## ՍՕՍ մանկական գյուղեր ՀԲՀ

Հասցե. Երևան, Դավիթ Անհաղթ

11 Հեռ. 093 32 89 60

Էլ. փոստ. [Anush.Khachatryan@sos-kd.am](mailto:Anush.Khachatryan@sos-kd.am)

### Աջակցման

#### շրջանակ

(Հումանիտար)

- Արտակարգ իրավիճակում հայտնված սիրիահայ ընտանիքիների աջակցություն,
- Տան վարձ և կոմունալ վարձերի փոխհատուցում, նյութական աջակցություն, առողջական, կրթական աջակցություն, տնտեսական կայունացում,

### Պոտենցիալ շահառուներ

Սիրիահայ ընտանիքներ, որտեղ կան անչափահաս երեխաներ:

**«Կանանց աջակցման կենտրոն» հասարակական կազմակերպություն**

Հասցե. Երևան, Մեպոուհ 2/1,

Հեռ. 060 525 535

Էլ. փոստ. [Wsc.armenia@gmail.com](mailto:Wsc.armenia@gmail.com)

Աջակցման շրջանակ

*(2018թ.-ի հունվարից մինչև 2018թ.-ի դեկտեմբեր)*

(Իրավական, սոցիալ-տնտեսական ինտեգրում, հումանիտար)

- Ընտանեկան բռնության պատճառով կյանքին վտանգ սպառնալու պարագայում՝ ապահով կացարան մինչև 3 ամիս ժամկետով՝ ժամկետի երկարացման հնարավորությամբ,
- Սոցիալական խորհրդատվություն,
- Իրավաբանական խորհրդատվություն,
- Հոգեբանական խորհրդատվություն:

Պոտենցիալ շահառուներ

Ընտանեկան բռնության ենթարկված կանայք և երեխաներ՝ անկախ կարգավիճակից:

## **Եկեղեցիների համաշխարհային խորհրդի հայաստանյան Կլոր սեղան հիմնադրամ (ՀԿՍ)**

Հասցե. Մայր Աթոռ Սուրբ Էջմիածին, 1101

Հեռ. 010 51 71 57, 010 51 72 16

Էլ. փոստ. [info@roundtable-act.am](mailto:info@roundtable-act.am)

### Աջակցման շրջանակ

(Հումանիտար օգնություն)

- Աջակցություն սիրիահայերին Հայաստանում 2012-2013թթ.
- Աջակցություն հակամարտությունից տուժած քեսաբահայ ընտանիքներին -2014թ.
- 2012-2013 թթ. – Հումանիտար օգնություն 6000 փախստականների համար Հայաստանում պլաստիկ քարտերի միջոցով, ինչպես նաև սննդամթերքով, ոչ պարենային ապրանքներով՝ գրենական պիտույքներ, հիգիենիկ պարագաներ, մանկական հագուստ, վերմակներ և այլն.
- 2014 թ. - հումանիտար օգնություն Լաթաքիայում, Սիրիա՝ Քեսաբի 2500 տեղահանվածների համար, հանրային քննարկումների իրականացում
- Սոցիալ-հոգեբանական աջակցություն

(Սոցիալական աջակցություն, 2015-2018 թթ.)

- Սոցիալ-հոգեբանական աշխատանք հոգեբանի (մասնավոր եւ խմբային) կողմից՝ ավելի քան 700 սիրիահայերի համար
- Տնային այցելություններ եւ կարիքների

զնահատում

- Բարոյահոգեբանական աջակցություն՝ մարդասիրական օգնություն, տարբեր միջոցառումներ, ուխտագնացություններ, խորհրդատվություն ավելի քան 2500 սիրիահայերի համար
- Հանրային իրազեկման բարձրացում - ավելի քան 500 սիրիահայերի համար

- Վավերագրական ֆիլմերի նկարահանում

- Վերբառիմ թատրոն (փաստավավերագրական) - «Մանանա» (6 ներկայացում)

(Տնտեսական հզորացում, 2015-2017թթ.)

- Մասնագիտական վերապատրաստումներ՝ ավելի քան 150 սիրիահայերի համար
- - Տեղեկատվական տեխնոլոգիաներ (վեբ և ընդհանուր ծրագրավորում)
- - Կիրառական արվեստներ, լեզուներ
- Աշխատանքային սարքավորումների տրամադրում՝ 55 սիրիահայերի համար
- Աշխատանք ընտանիքների հետ
- Մարքետինգ, աշխատանքային օրենսդրության իրազեկելում
- Մասնակցություն փառատոնների, Մուրբ Ծննդյան շուկաների, ցուցահանդեսներին

(Սիրիահայ երիտասարդների աջակցություն, 2018 թ-ի հունվարից)

- Կարողությունների զարգացում
- Ֆինանսական աջակցություն
- Հոգևոր և հոգեբանական աջակցություն